


醫宗必讀

五



醫宗必讀卷之五

雲間李中梓士材父著  
門人黃寅錫清伯父叅  
姪孫李廷芳蘅伯父訂

傷寒

黃帝曰熱病者皆傷寒之類也其死皆以六七日之間其愈皆十日以上者何也冬寒之氣感而即病各日傷寒不即病者寒毒藏于肌膚至春變為溫病至夏變為暑病岐伯對曰巨陽者諸陽之屬也巨太也太陽為六經之長統攝陽分故諸陽皆其所屬其

脉連于風府故為諸陽主氣也風府督脉穴太陽經脉覆于巔  
背之表故主人之傷于寒也則為病熱熱雖甚諸陽之氣分  
不死寒邪束于肌表則玄府閉陽氣不得散其  
兩感于寒而病者必不免于死兩感者陰陽俱傷表裏同病也  
太陽與少陰同病則頭痛與口乾煩滿太陽與少陰同病則身熱譫言與腹滿不欲食少陽與厥陰同病則耳聾與囊縮而厥三陰三陽俱受病水漿不入昏不知人六日當死也傷寒  
一日巨陽受之故頭項痛腰脊強足太陽為三陽之表而脉連風府故傷寒者多從太陽始太陽之經從頭項下肩膊挾脊抵腰中故其見病如此  
日陽明受之陽明主肉其脉挾鼻絡於目故身

熱目疼而鼻乾不得臥也胃不和則不安也三日少陽受之少陽主膽其脉循脇絡於耳故胸脇痛而耳聾邪傳少陽者三陽已盡將入太陰故為半表半裏之經仲景曰脉弦細頭痛發熱者屬少陽口苦咽乾脇下鞭滿乾嘔不能食往來寒熱蓋邪在陰則寒在陽則熱在表半裏故寒熱俱見也三陽經絡皆受其病而未入于藏者故可汗而已三陽為表屬府邪未入藏可汗而解四日太陰受之太陰脉布胃中絡於嗌故腹滿而嗌乾邪在三陽則傳三陰自太陰始也仲景曰脉浮而緩手足自溫繫在太陰腹滿而吐食不下自利益甚腹時痛五日少陰受之少陰脉貫腎絡于肺繫舌也

本故口燥舌乾而渴腎屬水而熱邪涸之故燥  
 細但欲寐也六日厥陰受之厥陰脉循陰器而絡于  
 肝故煩滿而囊縮至厥陰而六經傳徧邪熱其  
 為病氣上撞心心中痛饑不欲食食則吐或下  
 之利不止按傷寒傳變先自三陽後入三陰  
 此常序也東垣曰太陽陽經病若渴者即入于本  
 也名曰傳本太陽陽傳陽明者各巡經傳太陽傳  
 少陽者各越經傳太陽傳少陰者各表裏傳太陽  
 陽傳太陰者各誤下傳太陽傳厥陰者各巡經  
 得度傳陶節庵曰或自太陽始日傳一經六  
 日至厥陰而愈者或不罷再傳者或間經傳者  
 或傳一二三經而止者或始終只在二經者或越  
 經而傳者或初入太陽不發熱便入少陰而成  
 陰證者或直中陰經者有兩經或三經齊病不  
 傳者為合病有一經先病未盡又過一經之傳

者為併病有太陽陽明合病有太陽少陽合病  
 有少陽陽明合病有三陽合病若三陽與三陰  
 合病即三陰三陽五藏六府皆受病營衛不行  
 是兩感  
 五藏不通則死矣傳經已徧邪當漸解若過經  
 則深至于藏故五藏六府皆病邪盛于外則營  
 衛不行氣竭于內則五藏不通所謂其死皆以  
 六七日者如此劉草窓謂傷寒傳足不傳手  
 其說蓋出此篇而誕妄實甚夫人之氣血運行  
 周身豈邪遇手經而有不入者哉寒之傷入必  
 先皮毛皮毛者肺之合故外則寒慄鼻塞內則  
 喘嗽短氣非傳肺乎舌胎昏亂非傳心與胞絡  
 乎洩瀉秘結非傳大腸乎癢閉非傳小腸乎痞  
 滿上下不通非傳三焦乎自本文云五藏六府  
 皆病豈手經不在內乎然經言傳變不及手經  
 者何也足之六經可盡周身上下之  
 脉絡而手經已在其內不必復言矣其不兩感

于寒者七日巨陽病衰頭痛少愈八日陽明病  
 衰身熱少愈九日少陽病衰耳聾微聞十日太  
 陰病衰腹減如故則思飲食十一日少陰病衰  
 渴止不滿舌乾已而噎十二日厥陰病衰囊縱  
 少腹微下大氣皆去病日已矣所謂其愈皆十  
 日以上者如此  
 又有言傷寒以不服藥為中醫者其說本于此  
 不知經文為氣實者言也若正虛邪勝則死譬  
 如人溺洪流不為援手而聽其自渡全活者幾希矣  
 帝曰治之奈何岐伯  
 曰治之各通其藏脉病日衰已矣其未滿三日  
 者可汗而已其滿三日者可泄而已各通者言  
 各明經脉

隨證施治也未滿三日其邪在表汗之而愈滿  
 三日者其邪在裏下之而愈然此特道其常耳  
 正理論云脉大浮數在表可汗脉實沉數在裏  
 可下故日數雖多有表證者必汗日數雖少有  
 裏證者必下第當以表裏  
 為辨不可以日數拘也

愚按冬氣嚴寒萬類潛藏君子固密則不傷于  
 寒固密者毋勞爾形毋搖爾神形神並守偕行  
 于閉蟄封藏之本者也一有不謹而犯寒威則  
 殺厲之毒乘于肌體冬月即發各正傷寒伏而  
 不發至春變溫至夏變熱變態不測殊可憂虞  
 治之或差反掌生殺自仲景以來名賢代起立

言不患不詳患其多而惑也陶節菴曰得其要領易于拾芥脉證與理而已求之多岐則支離繁碎如涉海問津矣脉證者表裏陰陽虛實寒熱也理者知其常通其變也多岐者蔓衍之方書也余有感于斯言約六法以盡之曰汗吐下溫清補汗者治在表也而汗法有三一曰溫散寒勝之時陰勝之藏陽氣不充則表不解雖身有大熱必用辛溫一曰涼解炎熱熾盛表裏枯涸陰氣不營亦不能汗宜用辛涼一曰平解病

在陰陽之間既不可溫又不可涼但宜平用期於解表而已吐者治在上也吐中有發散之意可去胸中之實經曰在上者因而越之是也下者攻其裏也而下法有五痞滿在氣燥實在血四證具者攻之宜峻也但見滿燥實者攻之稍緩但見痞實者攻之宜緩或行血畜或逐水停輕重緩急隨證靈通也溫者溫其中也藏有寒邪不溫則死夫氣為陽氣虛則寒故溫即是補又名救裏者以陽虛可危亟當救援也清者清

其熱也有熱無結本非下證若不清之熱何由散下後餘邪亦宜清也補者救其虛也古人言之已詳今人畏而不用使傷寒犯虛者坐而待斃大可憾已如屢散而汗不解陰氣不能達也人知汗屬于陽升陽可以解表不知汗生于陰補陰可以發汗也又如內熱不解屢清而火不退陰不足也人知寒涼可以去熱不知壯水可以制火也又如正虛邪熾久而不痊補正則邪自除溫中則寒自散此必見衰微之陰脉者也

傷寒論曰陰證得陽脉者生陽證得陰脉者死人皆奉其言未知釋其義夫正氣實者多見陽脉正氣虛者多見陰脉證之陽者假實也脉之陰者真虛也陳氏曰凡察陰證不論熱與不熱惟憑脉用藥至為穩當不論浮沉大小但指下無力重按全無便是伏陰然則沉小者人知為陰脉不知浮大者亦有陰脉也是知傷寒雖具萬變虛實二字可以提綱正勝則愈邪勝則死正氣實者雖感大邪其病亦輕正氣虛者雖感

微邪其病亦重氣實而病者攻之即愈雖不服藥經盡即安何足慮也所可慮者惟挾虛耳柰何庸淺之輩不察虛實但見發熱動手便攻虛而攻之無不死者且曰傷寒無補法謬之甚矣獨不觀仲景立二百九十七法而治虛寒者一百有奇垂二百一十三方而用人參桂附者八十有奇東垣丹溪節庵亦有補中益氣回陽返本溫經益元等湯未嘗不補也而謂傷寒無補法可乎夫實者不藥可愈虛者非治弗痊能察

其虛而補救者即握傷寒之要矣又何必求之多岐也哉

**傷寒十六證**

傷寒者寒傷營血脉浮而緊頭痛

發熱無汗惡寒

傷風者風傷衛氣脉浮而緩

頭痛發熱有汗惡風

傷寒見風者既傷于寒

復感風邪惡寒不躁其脉浮緩

傷風見寒者

既傷于風復感寒邪惡風煩躁其脉浮緊

以上四證

皆冬月

即病者溫病者冬受寒邪來春乃發發熱頭疼

不惡寒而渴脉浮數

溫瘧者冬受寒邪復感

春寒 風溫者冬受寒邪復感春風頭痛身熱  
自汗身重嘔噦欲眠語言難出四肢不收尺寸  
俱浮 溫疫者冬受寒邪復感春溫時行之氣  
溫毒者冬受寒邪春令早熱復感其邪以上  
皆冬傷于寒而病發于春皆有溫之名也熱病者冬傷于寒至夏乃  
發頭疼身熱惡寒其脉洪盛 傷暑者暑熱為  
邪自汗煩渴身熱脉虛 傷濕者感受濕邪身  
重而痛自汗身不甚熱兩脛逆冷四肢沉重胸  
腹滿悶 風濕者既受濕氣復感風邪肢體重

痛額汗脉浮 瘧者身熱足寒頭項強急面赤  
目赤口噤頭搖角弓反張若先受風邪復感于  
寒無汗惡寒為剛瘧先受風邪復感于濕惡風  
有汗為柔瘧

類傷寒五證

一曰痰中脫停痰憎寒發熱自汗  
胸滿但頭不痛項不强與傷寒異耳 一曰食積  
胃中停食發熱頭痛但身不痛氣口緊盛與傷  
寒異耳 一曰虛煩氣血俱虛煩躁發熱但身不  
痛頭不痛不惡寒不浮緊與傷寒異耳 一曰脚

氣足受寒濕頭痛身熱肢節痛便閉嘔逆但脚痛或腫滿或枯細與傷寒異耳一日內癰脉浮數當發熱而惡寒若有痛處飲食如常畜積有膿也胸中痛而欬脉數咽乾不渴濁唾腥臭肺癰也小腹重按之痛便數如淋汗出惡寒身皮甲錯腹皮腫急脉滑而數腸癰也胃脘痛手不可近胃脉細人迎盛者胃脘癰也以人迎盛而候認傷寒禁其飲食必死

**表證** 發熱惡寒惡風頭痛身痛腰脊強目痛鼻

乾不眠胸脇痛耳聾寒熱嘔脉浮而大或緊或緩有汗脉浮緩無力表虛也無汗脉浮緊表實也

**裏證** 不惡寒反惡熱掌心腋下汗出腹中鞭滿

大便不通腹痛腹鳴自利小便如常譫語潮熱咽乾口渴舌乾煩滿囊縮而厥唇青舌卷脉沉細或沉實腹鳴自利不渴唇青舌卷無熱惡寒下利清穀身痛脉沉微裏虛也腹中鞭大便閉譫語潮熱腹脹痛不惡寒反惡熱譫語掌心腋下汗咽燥腹滿裏實也表裏俱見屬半表半裏表裏俱無不可汗下小柴胡湯隨證加減

**陰證** 身靜氣短少息目不了了鼻中呼不出吸

不入水漿不入二便不禁面如刀割色青黑或不入水漿不入二便不禁面如刀割色青黑或喜向壁臥閉目不欲見人鼻氣自冷唇口不紅或白或青或紫手足冷指甲青紫小便白或淡黃大便不實手按重無大熱若陰重者冷透手也陰毒者腎本虛寒或傷冷物或感寒邪或汗吐下後變成陰毒頭痛腹中絞痛眼睛痛身體倦怠而不甚熱四肢逆冷額上手背有冷汗恍惚身痛如被杖虛汗不止鄭聲嘔逆六脈沉微或尺衰寸盛五日可治六七日不可治陰

證似陽者煩躁面赤身熱咽痛煩渴脈浮微手足冷大便洩小便清昏沉多眠又有身熱反欲得衣口不渴指甲黑此陰盛于內真陽失守也陽證身動氣高而喘目睛了了呼吸能往能來口鼻氣熱面赤唇紅口乾舌燥謔語能飲凉水身輕如常小便赤大便閉手足溫指甲紅陽毒者邪熱深重失汗失下或誤服熱藥熱毒散漫舌卷焦黑鼻中如烟煤咽喉痛甚身面錦斑狂言直走踰垣上屋登高而歌弃衣而走脈洪

大滑促五日可治六七日不可治或昏禁咬舌見鬼神吐膿  
血藥入陽證似陰者手足冷大便閉小便赤煩  
即吐悶昏迷不眠身寒却欲衣口渴指甲紅脈沉  
滑或四肢厥冷陰厥脈沉弱指甲青而冷此陽  
極于內真陰失守也

**六經證治**足太陽膀胱此經從頭項貫腰脊故  
頭痛惡寒發熱脊強然風與寒常相因寒則傷  
營惡寒頭痛脈浮緊而無汗用麻黃湯開發腠  
理以散寒得汗而愈風則傷衛惡風頭痛脈浮

緩而有汗用桂枝湯充塞腠理以散風止汗而  
愈若夫風寒兼受營衛俱傷用大青龍湯此三  
湯者冬月天寒腠密非辛溫不能發散故宜用  
也若春溫夏熱之證皆用羌活中和湯辛涼解  
之傳至陽明則目痛鼻乾不眠以葛根湯升麻  
湯治之此經有在經在府之別如目痛鼻乾微  
惡寒身熱脈浮洪病在經也潮熱自汗  
譫語發渴大便閉揭去衣被手揚足擲  
發斑發黃狂亂惡熱脈沉數病在府也傳至少  
陽則寒熱而嘔胸痛脇痛口苦耳聾此為半表  
半裏之經表證多者小柴胡湯裏證急者大柴

胡湯過此不已則傳陽明之府表證悉罷名爲  
入裏惡熱譫語口燥咽乾不大便脉沉實如痞  
滿燥實四證皆具三焦俱傷宜大承氣湯但見  
痞燥實三證邪在中焦宜調胃承氣湯不用枳  
朮恐傷上焦之氣也但見痞實二證邪在上焦  
宜小承氣湯不用芒硝恐傷下焦之血也小腹  
急大便黑小便不利如狂喜忘畜血證也宜桃  
仁承氣湯傳至三陰四肢厥冷腸痛吐瀉口唾  
冷涎畏寒戰慄面如刀割引衣踈臥脉見遲軟

急宜溫之輕者理中湯重者四逆湯或初病起  
不發熱便見寒證者名爲直中陰經亦以二湯  
主之以上各經治法一見表證即與汗之一見  
裏證即與下之一見虛寒即與溫補但當以脉  
證爲據不可以日數爲拘也

**可汗** 頭痛項強肢節腰背俱強身疼拘急惡寒  
發熱無汗脉浮數或浮緊皆可汗若汗後不解  
仍發熱脉浮瀕再汗之

**不可汗** 無表證者不可汗 脉沉不可汗 尺

脉遲不可汗 脉微弱者雖惡寒不可汗 咽  
 中閉塞者不可汗 諸動氣者不可汗 淋家  
 不可汗 亡血虛家不可汗 厥者不可汗  
 汗家不可重汗 太陽與少陽併病頭項強痛  
 或眩暈心下痞不可汗 脉弦細頭痛而熱屬  
 少陽不可汗 答范雲患傷寒時武帝有九錫之命謂徐文伯曰可速愈乎文伯曰甚易但元氣不足恐二年後不復起耳雲曰朝聞道夕死可矣况二年乎遂以蒸法取汗而愈後二年果卒虛者其可輕汗哉  
**可吐** 病在膈上者可吐 汗下後虛煩懊懣者

可吐

**不可吐**

脉虛不可吐 厥逆者不可吐 膈上寒乾嘔者宜溫不宜吐

**可下**

汗後不解邪傳胃府可下 潮熱腹痛脉實者可下 陽明多汗譫語有燥糞可下 潮熱手足腋下汗出譫語者可下 吐後腹滿者可下 凡臍腹硬或痛不可按者可下 下後不解臍腹硬痛者可再下 結胸脉不浮可下 少陰病下利清水色青者心下必痛口乾者

可下 太陽證熱結膀胱小便不利小腹急結其人如狂者血畜也可下 陽明證其人喜忘大便黑必有闕血可下 陽明無汗小便不利心中懊憹必發黃可下

**不可下** 表未解者不可下 腹脹可按而減者

不可下 諸虛者不可下 陽微者不可下

咽中閉塞者不可下 諸動氣者不可下 脈

弱者不可下 脈浮大者不可下 小便清白

者不可下 陽明病面赤心下雖鞭滿不可下

**用火法** 以火烧地布桃葉栢葉亦可設席置病人于

上即汗出 或醋炒香附熱熨胸背即汗 或

置火于牀下 或灸

**用水法** 傷寒思飲水為欲愈若不與則不愈若

恣飲則水停宜以新汲水少與之待再思再與

熱甚者以青布浸新汲水中置病人胸前熱

則易之甚者置病人于水中或浸手足或漱口

若表未解及陰證似陽者忌之

**發熱** 翕翕而熱者表也 蒸而熱者裏

也 輕者大柴胡湯 重者承氣湯 半表半裏者表裏俱熱而輕

于純在裏也 小柴胡湯 至于三陰發熱則有腹痛肢

冷脉沉下利為異 湯 潮熱屬陽明 日一發

日晡而作陽明內實也大便軟者 承氣湯 表未罷

者 小柴胡湯 煩熱兼渴者 竹葉石膏湯 心煩不眠 酸棗仁湯 煩

而心悸 小建中湯 煩而悶者 梔子散湯 熱者 白虎湯 寒者 附子湯

**無寒** 不見風亦惡寒也 發熱惡寒者陽也 羌活湯

湯 無熱惡寒者陰也 理中湯 下證悉具微惡寒者

表未解也先解表而後攻裏 下後不解發熱

而渴惡寒 白虎湯 惡寒而嘔心下痞者 五苓散 汗後

惡寒虛也 芍藥附子湯 背惡寒表未解也 葛根湯 背

惡寒而潮熱 柴胡加桂湯 口渴心煩背微惡寒 白虎加人

湯 參 背惡寒潮熱腹滿 小承氣湯 少陰病口中和背惡

寒 附子湯 汗後不解反背惡寒者虛也 芍藥甘草湯

**惡風** 見風則惡密室 太陽惡風無汗而喘 麻黃湯

有汗 桂枝湯 吐下後不解表裏俱熱時時惡風燥

渴而煩 白虎加人參湯 汗多亡陽惡風者 桂枝附子湯

**自汗** 惡風寒者 桂枝湯 惡寒自汗表虛也 小建中湯 傷寒

醫心方卷之五

者建中湯自汗不惡風寒表證罷裏證實也承氣湯汗

多小便便利必津液竭大便雖鞭不可攻宜蜜導

用蜜于銅器中微火煎稍凝攪之勿令焦皂角

未少許和之乘熱捻作棗子樣冷納谷道中欲

大便急自汗而渴小便難五苓散汗多不止曰亡

陽桂枝附子湯外用白朮藁朮川芎白芷各一兩牡蠣粉米粉各二兩細末紗囊周身撲之

盜汗在半表半裏膽有熱也小柴胡湯頭汗者熱不

得越陽氣上騰譫語承氣湯心下滿頭汗出水結

胸也小半夏湯頭汗出齊頸而還發黃也茵陳五苓散

頭汗出小便難者死手足汗大便燥譫語承氣湯

氣湯寒不能食小便不利水穀不分手足汗者中理湯

頭痛太陰少陰有身熱而無頭痛厥陰有頭痛

痛發熱無汗惡寒麻黃湯大便六七日不通頭痛

有熱小便清者不在裏仍在表也羌活沖和湯頭痛

甚者必衄葛根蔥白湯少陽頭痛小柴胡湯頭痛寒

熱寸脉大痰厥也瓜蒂散厥陰頭痛嘔而吐沫吳茱萸湯

黃厥陰頭痛脉微遲為欲愈如不愈小建中湯陽明

頭痛不惡寒微惡熱不大便承氣湯

身痛太陽脉浮身痛無汗麻黃湯陽明下證已見

傷寒

但身痛者表未解也麻黃湯發熱有汗身痛桂枝湯

陽明脉浮身痛葛根湯汗後脉沉遲身痛血虛也

黃耆建中湯陰毒嘔逆下利身痛如被杖唇青面黑

甘草四逆湯一身盡痛發熱惡寒茵陳五苓散一身盡

痛發熱面黃二便反利甘草附子湯一身盡痛發熱

發黃頭汗出背強小便不利濕也茵陳五苓散一身

盡痛發熱面黃熱結瘀血也抵當湯

**助傷肉瞷**汗多亡陽筋肉失養故傷陽瞷動潤動兼肢冷者真武湯

湯輕者茯苓桂枝甘草白木湯汗吐下後見此者先服防風白木湯

牡蠣湯次服小建中湯

**胸脇滿**胸滿多表證葛根湯喘而胸滿麻黃杏仁石膏湯

脇下痞鞭冲和湯去棗加牡蠣胸脇俱滿或鞭痛或嘔或

不大便舌上白胎俱小柴胡湯邪在胸汗下之而煩

熱梔子散胸中痞鞭氣上冲喉寒也瓜蒂散陽明少

陽合病下利身熱脇痛大柴胡湯汗後頭痛心痞脇

滿十棗湯

**結胸**病發于陽而反下之熱入裏作結胸脉浮者先以小柴胡解

表然後下之按之則痛小結胸也小陷胸湯不按

亦痛大結胸也 大陷胸湯 懊憹躁渴實熱結胸也 三黃

瀉心湯 血結胸者小腹痛小便不利 抵當湯 飲水不

散水結胸也 小半夏湯 用陷胸等藥不效者 枳實

九煩亂欲死宜水漬法 凝雪湯漬布薄

**痞** 滿而不痛病名曰痞病發于陰而反下之因作痞也 輕者通用 枳桔 胸

滿脉濡 心湯 手足温按之濡關上浮者 黃連 瀉心

湯乾嘔有水氣 生薑瀉心湯 下利腹鳴 甘草瀉心湯 胃寒

欬逆 理中湯 關脉沉緊 大柴胡湯

**大腹滿** 六七日不大便腹滿常痛者 承氣湯 腹滿

時痛者 桂枝芍藥湯 腹滿吐食 枳桔理中丸 汗後脹滿 厚朴

半夏甘草人參湯 腹滿漉漉有聲水與氣也 半夏茯苓湯 加桂枝

**小腹痛** 臍下滿也胸腹滿為邪氣小腹痛為有物 小腹痛小便利畜

血也 重者桃仁承氣湯 小腹鞭滿小便自利發

狂者 抵當湯 小腹痛手足厥冷 真武湯 不結胸小腹

滿按之痛冷結也 灸關元穴

**腹痛** 陽邪痛者其痛不常 按而痛甚為實 右

關脉實腹痛便閉 承氣湯 下之早因而腹痛 小建中湯

陽脉濇陰脉弦腹痛洩利 建中湯或桂枝芍藥湯 少陰厥

逆或利而欬

四逆加五味子乾薑湯

厥陰小腹痛

當歸四逆湯

咽痛

少陰證也

不可汗不可下

甘桔湯為陰陽通用之藥

脈陰陽

俱緊主無汗有汗曰亡陽屬少陰當咽痛

猪膚湯

陽毒咽痛口瘡赤爛

升麻六物湯或蜜浸黃連汁噲

非時暴寒

附于少陰之經脈弱咽痛必下利

先用半夏桂甘湯次服四

逆下利咽痛手足微冷無熱證者

理中湯

脇痛往來寒熱脇痛胸痛

小柴胡湯加茯苓

身涼表證

罷乾嘔脇痛有水也

十棗湯

呃逆

仲景作欬逆即此證也切勿誤作咳

脈微細呃逆胃寒也

橘

乾薑半夏生薑湯丁香柿蒂湯

脈洪大而呃心火上奔肺不得

納甘草瀉心湯

服藥無效用釅法

硫黃乳香等分為末酒煎釅之失

下呃逆大便實者

小承氣湯

嘔吐噦

嘔者聲物俱出吐者無聲出物噦者有

聲無物

太陽陽明合病當自利若不利但嘔

葛根加

少陽有嘔證

小柴胡湯

嘔而渴者

猪苓湯

渴後嘔水停心下

赤茯苓湯

先嘔後渴此為欲解與

飲瘥後餘熱在胃而嘔者

竹葉加薑汁湯

太陽少陽合

病自利而嘔

黃芩半夏生薑湯

寒厥嘔而不渴

薑附嘔

而發熱心下急微煩大柴胡湯胸中有熱胃中有邪

陰陽不交腹痛欲吐黃連湯黃連三陽發熱

而吐俱用發熱六七日不解煩渴欲飲水入

即吐五苓散虛熱少氣氣逆欲吐竹葉石膏湯寒多而

吐理中湯不飲而吐理中湯汗下後胃虛冷吐

乾薑黃連黃芩少陰吐者真武去附吐逆便秘

厥逆無脈大承氣湯心下有水氣乾嘔身熱微喘或

自利小青龙湯不發熱不惡寒肋痛乾嘔十棗湯自汗

頭痛乾嘔桂枝湯乾嘔自利黃芩半夏湯裏寒外熱

脈微欲絕乾嘔通脈四逆湯

**咳**有聲無痰日咳太陽證罷表未解心下有

水氣乾嘔發熱而咳小青龙湯太陽發熱咳嗽方同上

太陽發熱嘔噦而咳小柴胡湯少陽寒熱往來咳嗽

胸脇滿或泄利小柴胡去參棗少陰咳嗽真武湯

少陰腹痛小便不利四肢沉重咳嗽者水氣也

真武湯加五味子細辛乾薑

**喘**太陽無汗而喘太陽陽明合病胸滿而喘

俱麻黃湯邪氣壅盛而喘雖汗而喘不已宜再發之

麻黃杏子 誤下太陽利不止喘而有汗脉促葛根

石膏湯 太陽汗後飲多水停而喘小青龍去麻黃加杏仁小

腹滿加 太陽下之微喘表未解也桂枝湯加厚朴杏仁

停心下腎氣乘心為悸為喘五苓散 陰喘脉伏而

逆理中湯 喘而氣促腹滿大柴胡湯

**煩躁** 太陽中風脉浮緊發熱惡寒身痛無汗煩

躁大青龍湯 煩躁消渴辰砂五苓散 下利咳嘔煩躁猪苓湯

下利咽痛胸滿而煩猪膚湯 自汗煩躁小便多芍藥湯

甘草湯 少陰心煩不臥黃連子湯 少陰吐利手足厥

冷煩躁欲死吳茱萸湯 下後復發汗晝則煩躁夜則

安靜不渴無熱乾薑附子甘草湯 六七日無大熱陰盛

隔陽身冷脉細煩躁不飲水羈塵散 陰躁欲坐井

中薑附湯

**懊憹** 懊者煩惱憹者鬱悶 汗吐下後虛煩不眠

甚則懊憹梔子豉湯 陽明脉浮咽燥腹滿而喘發熱

汗出惡熱懊憹梔子豉湯 陽明病下後懊憹有燥屎

承氣湯 短氣煩躁懊憹大陷胸湯 陽明無汗小便不利

懊憹發黃茵陳蒿湯

戰慄 戰者身動慄者慄而不戰陰盛陽虛

**戰慄** 戰者身動慄者慄而不戰陰盛陽虛葛附四逆湯

**悸** 心中築築然也 脈結代心悸炙甘草湯 傷寒三四日

心悸而煩中湯 汗發過多心悸喜按桂枝甘草湯 心

神不寧怔忡不臥安神丸 少陰病厥逆心下悸四逆散

散加 飲水多而悸雖有他邪亦先治水茯苓甘草湯

寒熱心悸小便不利心煩喜嘔小柴胡湯 少陽發汗

譫語悸動小柴胡湯

**渴** 或因熱耗津液 太陽脈弦而渴小柴胡加天花粉 太

陽表不解有水氣而渴小青龍湯 脇下痛手

足溫而渴小柴胡去半夏 厥陰病消渴氣上冲

心茯苓白朮甘草 汗下後寒熱胸脇滿小便不利

頭汗心煩渴而不嘔柴胡桂枝乾薑湯 太陽脈浮而渴

桂枝 脈浮發熱渴欲飲水小便不利猪苓湯 少陰

下利咳而嘔渴煩不得眠猪苓湯 汗吐下後

六七日不解表裏俱熱惡風大渴白虎加人參湯 汗後

脈大而渴白虎加人參湯 夏至左右虛煩而渴發熱不

惡寒竹葉石膏湯 小便不利而渴必發黃茵陳五苓散 少

陰自利而渴小便清利下焦虛寒甘草乾薑湯 心煩

醫宗必讀 卷之五

但欲寐或自利而渴少陰也理中湯 陽明脉長而

實有汗而渴承氣湯 脉沉滑熱實煩躁而渴大陷胸湯

**口燥咽乾** 引飲日渴不引飲日燥乾 少陽邪在中焦口苦舌

乾不甚渴脉弦小柴胡湯 口乾脉浮緊微數白虎加人參湯

陽明無大熱背惡寒口燥咽乾上方同 少陰病二

三日口燥咽乾急下之大承氣湯

**漱水不欲嚥** 此證屬陽明熱在經不在府也 陽明身熱頭痛脉

微漱水不欲嚥必發衄犀角地黄湯 外證無寒

熱漱水不欲嚥必發狂在此畜血也桃仁承氣湯

**發狂** 熱毒在胃併于心神志不定而狂少臥不

六七日未得汗脉洪數面赤日脹大熱煩躁狂

言欲走葶藶苦酒湯 陽毒發狂斑爛譫語升麻火劫

汗多亡陽煩躁驚狂金匱風引湯柴胡三陽熱

極脉大身熱渴而狂黃連解毒湯甚者承氣湯

湯加辰砂陽毒發狂眼赤脉洪口渴三黃石膏湯 血上逆

則喜忘血下畜則如狂輕者犀角地黃湯重者抵當湯 脉弦長

而狂調胃承氣湯 陽勝陰絕發狂譫妄面赤咽痛發

斑脉洪實或滑促宜酸苦之藥收陰抑陽大汗

醫宗心竇 卷之五

而解 葶藶苦酒 生艾湯

譫語 胃熱乘心 神識昏聩 妄言不休 實則譫語 虛則鄭聲 譫語者數數更端 聲高脈實 鄭聲者只將一事下語 鄭重 譫復聲低 脈微極當明辨 已發汗身和 譫語 桂枝 婦人經水適來 熱入血室 譫語 小柴 湯 胡 不惡寒 反惡熱 湯 白虎 煩躁不眠 白虎加 三陽合 病腹滿身重 口中不和 面垢 譫語遺尿 脈滑實 不可下 湯 白虎 腹滿微喘 口乾咽爛 或不大便 譫 語是因火劫 湯 白虎 身熱汗出 胃實 譫語或下利 譫語 調胃承 下利 譫語必有燥屎 湯 承氣 譫語小 氣湯

便利大便實小腹滿手不可近為瘀血 抵當 鄭 聲脈微自利厥逆 湯 白通 氣虛獨言脈細弱者 湯 自利 太陽與陽明合病自利 葛根湯 嘔吐 者加半夏 太陽與 少陽合病自利 黃芩 自利而渴屬少陰 湯 白虎 自 利下血 栝皮 少陰腎虛客熱下利咽痛胸滿心 煩 猪膚 湯 協熱自利 臍下必熱 白頭 翁湯 溫毒下利 膿 血 桃花 湯 下後脈數不解自利不止必協熱當便 膿血 犀角地 黃湯 自利不渴屬太陰 湯 理中 自利清穀 脈微 白通湯 四逆湯 自利腹寒痛手足冷 理中湯 或 吳茱萸湯 自

醫宗心竇 卷之五 傷寒

醫宗必讀 卷之五

利不止裏寒下脫

桃花湯赤石脂禹餘糧湯

**鬱胃**

鬱結而氣不舒昏胃而神不清

太陽誤下利不止復發汗

表裏俱虛鬱胃

瀆形為汗

吐下後復發汗又與水噦

而胃

理中湯

熱而鬱胃不得臥有燥屎

調胃承氣湯

**寒**

熱極生風風主動故瘦瘠瘦則筋急而汗出時蓋覆不周腰背手足搐搦

風熱防風通聖散血不養筋大秦羌湯

**動氣**

藏氣不調肌膚間築築跳動隨藏所主而見于臍之左右上下獨不言當臍者脾為

中州以行四藏之津液左右上下皆不宜汗下何况中州其敢輕動手乎此證須手

探之切勿忽也四旁有動氣

保命四氣散

**剛痿柔痿**

太陽中風重感寒濕而致也大發濕成痿傷寒頭項汗出而嘔若汗之必發痿經日

身熱足寒頭項強急惡寒頭熱面赤背反張口

禁脈沉細如發瘧狀是也若先受風復感寒無

汗惡寒為剛痿先受風復感濕惡風有汗為柔

痿仰面開目為陽合面閉目為陰燥渴為陽口

中和為陰脈浮緊數為陽沈細瀼為陰陽痿易

治陰痿難治通用小續命湯剛痿去陰痿厥逆筋脈

拘急汗多桂心白朮散閉目合眼附子散胸滿口禁

臥不着席咬牙攣急大承氣湯頭項強小腹滿小便

不利五苓散風盛血燥防風當歸散

醫宗必讀 卷之五

手足厥逆

四肢冷謂之四逆厥逆脉沉細踈臥惡

寒引衣自覆不飲水下利清穀四逆湯脉不至者

通脉四逆湯脉遲弱理中手足指微冷謂之清理中

寒熱而厥面色不澤用綿衣包手足温大汗而

解急服五苓少陰病吐利厥逆煩躁欲死吳茱萸湯

厥而有熱黃耆人參建中湯厥而渴者白虎湯厥而悸先

治其水茯苓甘草湯厥而惡熱不眠譫語白虎湯諸陽

受氣于胸邪客則陽氣不施手足厥逆脉乍緊

心滿而煩病在胸中當吐之瓜蒂散先發熱而後

厥者手揚足擲煩躁飲水畏熱大便秘小便赤

沸鬱大抵熱深厥亦深脉沉滑頭面有汗指甲

温皆伏熱也大小承氣湯

頭眩上虛半表半裏表中陽虛目眩葛根湯風家

多頭眩葛根湯口苦咽乾頭眩小柴胡湯陽明頭眩不

惡寒能食而欬茯苓白朮甘草乾薑湯太陽病發汗汗不

止眩冒身瞤動振振欲僻地真武湯

衄血鼻血出也太陽病衄血及服桂枝後衄者為欲

解犀角地黃湯脉浮大發熱下利臭衄乾嘔黃芩芍藥湯

醫宗必讀 卷之五 傷寒

醫宗必讀 卷之五

衄煩渴欲飲水水入即吐先服五苓散次自利  
而衄麻黃升少陰病但厥無汗而強發之必衄  
各下厥上竭為難治當歸四逆湯黑錫丹汗後熱退臭血  
不止新汲井水草紙數層貼頂上及項脊溫則  
易必止

**吐血**當汗不汗熱毒深入故吐血內有瘀積桃  
承氣湯服桂枝後吐血犀角地黃湯血紫黑成  
抵當湯或栢枝湯  
塊脉遲細口不渴小便清理中湯  
**蓄血**太陽病不解熱結膀胱發狂血自下桂枝湯

熱在下焦少腹急滿小便自利其人如狂桃仁承氣湯

**下血**太陽病不解其人如狂熱結膀胱血自下  
者愈若不愈桂枝湯小腹急滿抵當湯少陰下血桃花湯  
腹滿身熱下膿血黃連阿膠湯地榆散

**小便不利**已汗復下小便不利心煩小柴胡湯太陽  
汗後脉浮小便不利微熱而渴五苓散身黃小便  
不利腹微滿者茵陳蒿湯小便不利大便乍難乍易  
微熱有燥屎也承氣湯潮熱大便泄小便不利柴

醫宗必讀 卷之五 傷寒

醫宗必讀 卷之五

湯 風濕自汗身重小便不利甘草附子湯 熱鬱不通田螺搗朴硝少加 寒鬱不通 炒鹽熨臍上

**小便自利** 太陽病小便自利以飲水多心下悸

桂枝茯苓苓 甘草湯 身黃小便當不利今反自利其人如

狂下焦畜血湯抵當 熱而小腹滿應小便不利今

反自利畜血也抵當 二便俱利脉沉遲四逆湯

**小便數** 頻來而太陽汗吐後小便數譫語承氣

湯 太陽自汗四肢拘急心煩微惡寒小便數甘草

乾薑湯芍藥甘草湯

**發黃** 發熱一身盡痛面自俱黃太陽中濕連翹

湯 熱不去瘀血在裏面黃小便微利麻黃連翹

往來寒熱一身盡痛發黃小柴胡加 發熱頭汗

渴欲飲水小便利大便快發黃五苓散加 小便

不利四肢沉重似瘧不欲飲茵陳五 傷冷脉虛

小便如常變為陰黃理中加 下之太過脾虛津

竭飲水自傷此陰濕變黃茵陳茯苓湯

**發斑** 熱甚傷血裏實表虛發為斑也斑見紫黑

下失下或汗下未解或下早熱邪 陽毒結熱舌

入胃或下遲熱毒胃中皆發斑

卷焦黑臭如烟煤狂言見鬼面赤錦斑陽毒升

赤班咽痛玄參升表證多者防風通聖散去硝

班出咽痛猪胆鷄子湯紫赤班太青四通用升

湯犀角地黃湯冬煖受邪至春發班溫毒也黑

化毒丹已溫毒煩渴便實腹痛赤班承氣汗下

虛極發班白虎湯如

狐惑失汗所致食少胃空蟲蝕五藏故唇口生

瘡蟲食其藏則上唇生瘡為或蟲食其肚

則上唇生瘡為狐其候齒燦聲啞惡食面目乍

赤乍白乍黑舌上白胎唇黑四肢沉重喜眠

清熱黃連犀聲啞桃仁殺蟲雄黃銳散為

**多眠**太陽病脉細多眠外已解也小柴尺寸沉

細但欲寐者少陰證也四逆陽脉浮滑陰脉濡

弱多汗或發汗後身猶灼熱喘息多眠風溫也

萎雞

**不得眠**眠者安吐下後不眠酸棗吐下後懊懣

不眠梔子大熱嘔錯語不眠黃連解少陰病二

三日已上心煩不眠黃連雞太陽大汗胃乾不

眠欲飲水者少少與之猪苓下後渴而不眠

脉浮小使不利不眠五苓下後復發汗不眠無

醫宗心法 卷之五 三九 傷寒

醫宗心法 卷之五

表證脈沉乾薑附子湯

**短氣** 呼吸短促不能接續似喘而無痛汗出不徹故短

氣葛根加人參湯 腹滿短氣邪在表為虛甘草附子湯 風濕

相搏汗出短氣小便不利惡風不欲去衣甘草附子湯

湯 水停心下短氣五苓散 乾嘔短氣汗出不惡寒

此表解裏未和十棗湯 太陽下之早心下硬結胸

短氣大陷胸湯

**既厥** 藏寒故食即吐既也胃中虛冷理中丸或四逆湯 吐

既而渴理中湯加木黃入蜜利之

**百合病** 似寒無寒似熱不熱欲食不食欲卧不卧小柴胡湯加百合

下非治法故成百合病知母粳米生薑

熱百合地黃湯 一月不解而渴百合一宿煮熱浴身

**陰陽易** 男病新瘥女與之交曰陰易細考之即女勞復也

有謂男病愈後因交而女病女病愈後因交而

少氣少腹裏急或引陰中拘攣熱上冲通淋

散取女人視襠近隱處剪燒灰水新瘥後大虛

調方十七日三服女病用男視新瘥後大虛

因交復作垂死獨參湯調燒視散多有 古用鼠

糞寒者當歸白朮湯

醫宗心法 卷之五

三十 傷寒

醫宗心訣 卷之五

**勞復** 非但強力持重若梳沐 脉虛者補中益氣湯 麥門冬

**食復** 新瘥胃虛食稍多則 腹滿脉實煩熱便秘

**過經不解** 十二日當愈不愈 潮熱者實也先與小柴

**汗後不解** 或表邪未盡或邪傳 裏或邪氣乘虛內客 汗後脉大如瘧

**狀再汗之** 麻黃湯 汗後心下痞鞭嘔吐不和大柴胡湯

太柴胡湯輕者二陳湯 消導後熱不退補中益氣湯

加山查麥芽砂仁神麩 嘔微煩大柴胡湯 過經譫語脉實當下胃

承氣湯 承氣

大汗大渴煩而脉大白虎加人參湯 汗後惡熱脉實胃

承氣湯 汗後不可更行桂枝汗出而喘無大熱者

麻黃杏仁 太陽太汗出胃乾不眠欲飲水者少

甘草湯 少與之若脉浮小便不利微熱消渴五苓散 汗後

脉洪數煩渴五苓散 汗後脹滿厚朴生薑人參湯 汗過多

心悸發顫桂枝甘草湯 汗後惡寒表虛也脉細神倦

芍藥甘草 太陽汗出不解發熱心悸肉瞤真武湯

附子湯 汗後身痛脉沉桂枝加芍藥人參湯 汗後熱不去内拘急

四肢疼下利惡寒四逆湯 汗後臍下悸欲作奔豚

傷寒

醫宗金鑑卷之五

桂枝其草  
大棗湯

**下後不解**

下後熱不去心中結痛枳子下後心

煩腹滿臥起不安枳子厚朴湯太陽桂枝證誤下之

利不止脉促喘而汗出表未解葛根湯黃芩湯陽明

下之心下懊憹枳子有燥屎大承氣湯太陽下後脉

促胸滿桂枝芍藥湯大下後脉沉遲厥逆下利咽喉

不利吐膿血難治麻黃升麻湯

**合病**兩經三經齊病三陽合病腹滿身重口中

不和譫語遺尿不可汗下白虎湯太陽陽明合病

脉浮長大便秘小便利脾約丸惡寒者不惡寒

反惡熱大便通者白虎湯大便喘而胸滿不可

下麻黃嘔不下利葛根加半夏湯太陽少陽合病脉浮

弦脇下鞅往來寒熱小柴胡湯自下利者黃芩湯嘔者

黃芩加半夏夏生薑湯少陽陽明合病脉弦長因發汗因利

小便胃中燥實調胃承氣湯脉長自利者為順滑而

數者為負有宿食大承氣湯負者

**併病**二經先病未盡又過一經之傳者為併病

或如則二陽合病後則一陽病衰一陽邪太陽陽明併病太陽病發汗不

徹轉屬陽明續自微汗出不惡寒若面色怫鬱

痛無常處是陽明復併歸太陽當再汗之麻黃湯

太陽證未罷桂枝麻黃各半湯太陽證罷但見陽明證

者下之大承氣湯太陽少陽併病頭痛眩冒心下

痞當刺肺俞肝俞大椎慎勿下太陽不勝陽明不負不

相尅為順少陽脉勝陽明脉負鬼賊相尅為

逆日傳二經陰陽俱病也表裏不可東垣以

氣實而感之淺者猶或可治本卷

**舌胎**

邪在表者舌上無胎半表半裏白胎而陽

明病脇下鞅滿而喘發熱汗出不大便而嘔舌

上白胎者小柴胡湯脉陰陽俱緊舌上滑胎小柴胡

加人參括蕪湯熱聚于胃則舌黃承氣湯舌純黑

有二種皆死證也有火極似水者為熱極大承

有水來尅火者為寒極脉證必寒附子理中湯七八

日不解熱結在裏表裏俱熱時時惡風舌燥欲

飲水數升白虎湯

**瘧後昏沉**

因發汗不透餘毒在心胞絡也發汗出時蓋覆不周

則汗出不均腰背手足搐搦或冷或熱牛旁根散後腰已下有水氣者牡蠣澤瀉散

摘陶氏十法

發狂難制以醋炭氣入鼻即定方可察其陰陽初病起頭痛發熱傳裏時熱極發狂當下之初病起頭不痛身微熱面赤煩躁欲坐臥涼水中陰極似陽當溫之 須察脈來有力無力此為良法

腹中痛甚將凉水一碗與病人飲之其痛稍減

者屬熱當涼之涼之不愈渴而大便實者下之若小腹痛大便黑小便利身目黃者畜血也行血藥下之 若飲水痛增者屬寒當溫之 須察脈來有力無力此為良法

寒證脈伏或吐瀉脫而無脈以薑汁好酒各半盞與病人服脈出者生不出者死更覆手取之而無脈則絕矣

舌上有胎不拘何色用井水浸新青布拭淨後用生薑浸水刮之或以薄荷為末入蜜少許

醫宗心法 卷之五

刷牙擦之 若發黃者生薑渣周身擦之即退

鼻衄不止山梔炒黑為末吹入鼻中外用濕草紙搭于鼻冲其血自止

熱邪傳裏服藥後將鹽炒麩皮一升絹包于病人腹上熨之藥氣得熱則行太便秘通

吐血不止韭汁磨墨呷之如無韭汁鷄子清亦可赤屬火黑屬水有相制之理也

陰毒昏不知人四肢如冰唇青甲黑藥不得入

將葱一握束縛切去根葉置白三寸如餅先將麝香半分填于臍內後加葱餅于上以火熨之爛即易約三餅後稍醒先灌薑汁後服薑附湯如不醒再灸關元穴三十壯不醒者必死

熱邪亢極黃連一兩煎水一碗放井中待冷浸新青布搭胸上稍熱即易熱勢稍減即止夏月方用此法

服藥即吐者將生薑汁半盞熱飲吐即止 太

醫宗心法 卷之五 三十五 傷寒

醫宗心竚 卷之五

抵服寒藥熱飲熱藥寒飲中和之劑温飲

**傷寒死候**

陽證見陰脉者死 陰陽毒過六七

日者死 脉浮而滑身汗如油水漿不入喘息

不休身體不仁者死 咳逆上氣脉散者死

陽反獨留體如烟薰直視搖頭心絕 汗出髮

潤而喘肺絕 唇反青四肢汗出肝絕 環

口薰黑虛寒發黃脾絕 脉緊盛汗出不解者

死 尺寸俱虛熱不止者死 身熱喘急脉陽

而躁者死 大發濕家汗則瘥熱而瘥者死

發少陽汗則譫語發少陰汗則動血謂之下厥

上竭者死 發動氣汗者死 發風温汗者死

發濕温汗曰重暍死 汗後不為汗衰謂之

陰陽交者死 不得汗者死 發熱脉躁疾狂

言不能食謂之三死 咳逆不止者死 藏結

者死 結胸證舌有白胎也 舌卷囊縮者死 脉代者死

少陰吐利煩躁四逆者死 結胸證悉具煩躁

者死 發厥至七八日膚冷而躁無時暫安曰

藏厥死 少陽與陽明合病脉長大而弦曰負

醫宗心竚 卷之五 三六 傷寒

者死 陰陽易病頭重眼花四肢拘急小腹絞痛手足攣痛離經脉見者死 厥而下利當不能食反能食者除中死 少陰病厥逆無脉與白通猪胆湯脉暴出者死 脉陰陽俱虛熱不止者死 七八日以上大發熱者死

**脉候** 浮濇而緊為傷寒 浮而緊者表實可汗 浮而緩弱表虛宜救 沉數或疾滑或沉實裏實可下 沉細微遲軟裏虛可溫 中候而數為胃實 中候而遲為胃虛 寸口沉細無

乃為陽中伏陰 尺部沉數有力為陰中伏陽 寸部數大有力為重陽 尺部遲細無力為重陰 寸脉微細為脫陽 尺部無力為脫陰 寸脉弱者忌吐 尺脉弱者忌下 純弦之脉名曰負死脉也 陰病見陽脉者生 陽病見陰脉者死 沉濇弱弦微結促濡 緩緊遲芤散革代

**醫案**

社友韓茂遠傷寒九日以來口不能言目不能視體不能動四肢俱冷衆皆曰陰證比余診之

六脉皆無以手按腹兩手護之眉皺作楚按其  
跌陽大而有力乃知腹有燥屎也欲與大承氣  
湯病家惶懼不敢進余曰吾郡能辨是證者惟  
施笠澤耳延至診之與余言若合符節遂下之  
得燥屎六七枚口能言體能動矣故按手不及  
足者何以救此番絕之證耶

休寧吳文哉傷寒煩躁面赤昏亂悶絕時索冷水  
其弟日休乞余決死期手揚足擲難以候脉  
五六人制之方得就診洪大無倫按之如絲余

日浮大沉小陰證似陽也與附子理中湯當有  
生理日休駭曰醫者十輩至不日柴胡承氣則  
日竹葉石膏今反用熱劑身平敢余曰溫劑猶  
生涼劑立斃矣日休上之吉遂用理中湯加人  
參四錢附子二錢煎成入井水冷與飲甫及一  
時狂躁定矣再劑而神爽服參至五劑而安文  
哉遺以書曰弟爲俗子所誤既登鬼錄矣而兄  
翁拯全之大奇亦大幸也方弟躁熱之時醫以  
三黃湯入牛黃服之轉加悶絕舉室哀號惟是

治終其候目瞑而已不意兄翁毅然以為可活  
參附一投陰霜見現荆妻稚子含淚歡呼一日  
卽甦經年乃復嗚呼父母生之兄翁再生之吳  
天罔極莫可云喻敢誌巔末今附案帙俾天下  
萬世知藥不可以浪投命不可以輕弃何莫非  
大仁人回春之澤哉

同社王月懷傷寒至五日下利不止懊懣目脹  
諸藥不效有以山藥茯苓與之慮其瀉脫也余  
診之六脉沉數按其臍則痛此協熱自利中有  
結糞小承氣倍大黃服之果得結糞數枚利遂  
止懊懣遂安

婁水張爾和傷寒第二日頭痛發熱正在太陽  
余曰方今正月天令猶寒必服麻黃兩日愈矣  
若服冲和湯不惟不得汗即使得汗必致傳經  
遂以麻黃湯熱飲之更以滾水入浴桶置床下  
薰之得汗如雨密覆半日易被神已爽矣至晚  
索粥家人不與余曰邪已解矣必不傳裏食粥  
何妨至明日果愈不以麻黃汗之傳變深重非

半月不安也

光祿卿吳玄水太楊歸頭痛腹脹身重不能轉側口內不和語言謔妄有云表裏俱有邪宜以大柴胡下之余曰此三陽合病也誤下之決不可救乃以白虎湯連進兩服諸證漸減更加天花粉麥門冬二劑而安

縣學師楊龍友如夫人發熱頭疼六日後忽見紅癩衆皆以爲發斑用升麻犀角等湯凡五日不效余視之曰此癩也非斑也斑爲陽明火毒

癩爲太陰風熱一表一裏如天與淵乃用防風二錢黃芩一錢甘草五分薄荷桔梗蟬殼各一錢四劑霍然矣

儒者吳君明傷寒六日譫語狂笑頭痛有汗大便不通小便自利衆議承氣湯下之余診其脉浮而大因思仲景云傷寒不大便六七日頭疼有熱小便清知不在裏仍在表也方今仲冬宜與桂枝湯衆皆咋舌掩口謗之甚力以譫狂爲陽盛桂枝入口必斃矣余曰汗多神昏故發譫

妄雖不大便腹無所苦和其營衛必自愈耳遂  
違眾用之及夜而笑語皆止明日大便自通故  
夫病變多端不可膠執向使狐疑而用下藥其  
可活乎

內戚顧淡之勞神之後煩躁大熱頭痛時作時  
止醫者禁其飲食與之解表見四日熱不退欲  
與攻裏余診之曰脉不浮緊安得表耶又不沉  
實安得裏耶惟心部大而濇此勞心而虛煩乃  
類傷寒非真傷寒也若禁飲食即餓絕矣便以

粥與之兼進歸脾湯五日而安

傷寒諸劑

麻黃湯 治太陽經脉浮緊頭痛身疼發熱惡  
寒無汗而喘

麻黃 二錢 去根節 桂枝 一錢 甘草 五分

杏仁 八枚 去皮尖炒

水盞半加生薑三片棗一枚煎八分熱服

桂枝湯 治太陽中風發熱汗出鼻鳴乾嘔

桂枝 赤芍藥 各二錢 甘草 一錢

水盞半生薑五片大棗三枚煎八分温服

大青龍湯 治傷寒中風頭痛發熱無汗煩躁

麻黃 三錢 去節 桂枝 一錢 杏仁 五枚 去皮尖炒

甘草 四錢 石膏 三錢

水鍾半生薑一錢棗一枚煎八分温服

小青龍湯 治表不解有水氣發熱嘔欬或渴

或利或小便不利小腹滿而喘

麻黃 桂枝 芍藥 各一錢

甘草 五分 乾薑 細辛 各五分

五味子 十粒 半夏 一錢 煎

水二鍾煎八分服

桂枝麻黃各半湯 治太陽脉浮緩無汗身疼

桂枝 五錢 芍藥 甘草

麻黃 各三錢 杏仁 三十個 去皮尖

水四鍾生薑三錢大棗四枚煎二鍾分三服

麻黃升麻湯 治大下後脉沉遲尺脉不至

麻黃 八錢 升麻 當歸 各四錢

知母 去毛 黃芩 炒 萎蕤 各二錢

醫宗心竅 卷之五 老之五

石膏

白朮

炒黃

芍藥

天門冬

去心

桂枝

茯苓

去皮

甘草

乾薑

各一錢

水四鍾煎二鍾分三服

麻黃連翹赤小豆湯

治發熱在裏身目發黃中濕身痛

麻黃

去根節

連翹

甘草

各四錢

乘白皮

蜜炙

赤豆

各一兩二錢

杏仁

三十個

水四鍾生薑七錢大棗八枚煎二鍾分三服

桂枝甘草湯

治發汗過多入于胃心下悸欲得按

桂枝 三錢

甘草 一錢

水一鍾煎八分服

桂枝芍藥湯 治脉浮腹痛

桂枝湯加芍藥一倍

桂枝附子湯 治風濕身疼脉浮虛澹

桂枝湯加附子一錢

葛根湯 治太陽無汗惡風太陽陽明合病

葛根

一錢五分

麻黃

一錢

桂枝

芍藥

甘草

各六分

醫宗心竅

卷之五

三

傷寒

水二鍾生薑五片大棗二枚煎一鍾服

葛根葱白湯 治已汗未汗頭痛

葛根 芍藥 知母 去毛

川芳 錢各一 生薑 三錢 葱白 五個

水二鍾煎一鍾熱服

葛根半夏湯

葛根湯加半夏 水煎服

小柴胡湯 治傷寒四五日往來寒熱胸滿心煩喜嘔少陽經發熱及風溫濕熱

柴胡 三錢 黃芩 炒 人參 去蘆

半夏 錢各一 甘草 五分

水二鍾薑三片棗一枚煎一鍾熱服

柴胡桂枝湯 治風溫汗後身熱心下煩熱妨悶動氣

柴胡 二錢 桂枝 一錢 甘草 七分

人參 一錢 半夏 熟 芍藥 各七分

黃芩 一錢 生薑 五片

水二鍾棗二枚煎一杯溫服

柴胡桂枝乾薑湯 治往來寒熱胸脇滿小使不利嘔而不渴

柴胡 一錢 黃芩 桂枝

醫宗必讀 卷之五

乾薑各八分 甘草五分 牡蠣七分

括蕒根一錢

水二鍾煎一鍾温服

柴苓湯 治小便難微熱腹滿

小柴胡湯加茯苓水煎服

柴胡加桂湯 治身熱欲近衣身熱不渴

柴胡 黃芩 半夏各一錢

甘草 肉桂各五分

水二鍾生薑三片大棗一枚煎一鍾服

五苓散 治小便不利而渴中暑煩躁霍亂

猪苓 澤瀉 白朮炒

茯苓各一錢 肉桂五分

右為細末每服二錢白湯調下

辰砂五苓散 治表裏未解頭痛發熱心胸鬱悶唇口乾焦狂言見鬼小便閉

五苓散加辰砂研細水飛 白湯調服

小建中湯 傷寒三四日心悸而煩少陰惡寒手足踈而濕

桂枝一錢 芍藥二錢 甘草六分

錫糖三匙 生薑五片 大棗一枚

醫宗必讀 卷之五 傷寒

醫宗心竈 卷之五

水鍾半煎八分納錫令化溫服

黃耆建中湯 傷寒身痛汗後身痛脈弱宜服

黃耆 一錢五分炒 芍藥 二錢炒 肉桂 一錢去皮

甘草 六分 生薑 五片 棗 二枚

水二鍾煎一鍾去渣入錫一大匙煎一沸服

若微瀉利或嘔者不用錫

大柴胡湯 治身熱不惡寒反惡熱大便秘

柴胡 一錢二分 黃芩 各一錢

半夏 八分 大黃 七分 枳實 四分

水二鍾生薑二片棗一枚煎一鍾熱服

大承氣湯 治五六日不大便腹脹滿潮熱

大黃 五錢 芒硝 四錢 厚朴 二錢炒

枳實 一錢炒

水二鍾先煎枳實至鍾半投大黃煎至一鍾

去渣納芒硝一沸熱服

小承氣湯 六七日不大便腹脹滿潮熱

大黃 四錢 厚朴 二錢炒 枳實 一錢炒

水二鍾煎一鍾熱服

醫宗心竈 卷之五 吳 寒

調胃承氣湯

太陽陽明不惡寒反惡熱  
大便秘澀語嘔逆宜服

大黃

六錢  
酒洗

芒硝

四錢

甘草

一錢

水鍾半煎入分去渣入硝一沸服

桃仁承氣湯

小腹急大便黑小便  
不利中焦積血也

桃仁

十箇

肉桂

去皮

甘草

各一錢

大黃

二錢  
五分

芒硝

一錢  
五分

水二鍾煎一鍾去渣入硝煎一沸熱服

梔子豉湯

治吐下後心中懊憹太  
下後身熱不去心中痛

肥梔子

四枚

香豉

五錢

水二鍾煎梔子至一鍾入豉煎至七分服

梔子厚朴湯

太陽下後腹痛起臥不安

梔子

五枚

厚朴

三錢

枳實 一錢

水二鍾煎一鍾濕服

猪苓湯

治嘔而渴心煩不得眠  
熱在下焦小便不利

猪苓

澤瀉

滑石

茯苓

阿膠

各一錢  
五分

水二鍾煎一鍾入阿膠煎鑿濕服

黃芩湯

太陽少陽合病協熱下利

卷之五

黃芩 三錢

芍藥

甘草 各一錢

水鍾半棗二枚煎一鍾熱服

黃芩芍藥湯

衄後脉微

黃芩湯

去大棗

黃芩半夏生薑湯

治乾嘔而利

黃芩湯

加半夏生薑

黃連湯

治腹滿痛大便秘胸中有熱腹痛欲嘔

黃連

甘草

乾薑

芍藥 各一錢

人參

半夏 各五分

大棗 一枚

桂 五分

水二鍾煎一鍾服

黃連阿膠湯

一名黃連雞子湯治溫毒下利膿血少陰煩躁不得臥

黃連 二錢

阿膠 一錢五分

黃芩

芍藥 各一錢

雞子黃 一枚

水二鍾煎二物至一鍾去渣入膠煎一沸入

雞子黃勻服

黃連犀角湯

治狐惑

犀角 三錢

黃連 一錢

烏梅 四箇

醫宗必讀 卷之五

四八

傷寒

醫宗心譜 卷之五

木香 三分磨

水鍾半煎八分入犀角木香汁勻服

黃連解毒湯 治大熱乾嘔譫語呻吟不眠

黃連 三錢 黃芩 黃柏

梔子 各一錢

水二鍾煎一鍾熱服

黃連瀉心湯

黃連 生地 知母 各一錢

甘草 五分

水鍾半煎八分服

升麻湯 治無汗而喘小便不利而煩渴

升麻 蒼朮 麥門冬

麻黃 各一錢 黃芩 大青 各七分

石膏 一錢 淡竹葉 十片

水二鍾煎一鍾熱服

升麻葛根湯 治無汗惡寒發斑小兒瘡疹疫癘通用

升麻 葛根 芍藥

甘草 等分

醫宗心譜 卷之五 傷寒

水二鍾煎一鍾寒多熱服熱多溫服

升麻六物湯 治赤班口瘡赤爛

升麻 梔子 各一錢五分 大青

杏仁 黃芩 各錢

水鍾半葱白三莖煎八分溫服

陽毒升麻湯 治陽毒赤班狂言吐膿血

升麻 一錢五分 犀角 磨 射干

黃芩 人參 甘草 各八分

水鍾半煎八分入犀角汁服

玄參升麻湯 治咽痛發斑

玄參 升麻 各一錢五分 甘草 八分

水鍾半煎八分溫服

白虎湯 治汗後脉洪大而渴虛煩中暈

知母 三錢 石膏 五錢 甘草 一錢

粳米 一撮

水二鍾煎一鍾溫服

白虎人參湯 一各化班湯治赤班口燥煩渴中暈

白虎湯 加入人參

醫宗必讀 卷之五

竹葉石膏湯 治陽明汗多而渴，嘔而渴，欲飲水，水入即吐，瘧後渴多。

竹葉 十四片 麥門冬 人參 各一錢

甘草 四分 石膏 三錢 半夏 八分

粳米 一撮

水二鍾煎，一鍾去渣，入生薑汁一匙服。

茵陳湯 治頭汗出欲發黃

茵陳蒿 二錢 大黃 二錢 梔子 三枚

水二鍾煎，一鍾服。

茵陳五苓散 頭汗出發黃，秋疫，癘及黃疸。

茵陳 三錢 五苓散 二錢

每服二錢米湯調服。

茵陳四逆湯 治陰黃，四肢厥冷。

茵陳 一錢 甘草 炙一錢 附子 一錢

乾薑 炮一錢 五分

水煎溫服。

大陷胸湯 治大結胸，手不可按。此藥極峻，不可輕用。

大黃 四錢 芒硝 三錢 甘遂末 二分

水二鍾煎，一鍾入硝煎，一沸入甘遂末服。

醫宗必讀 卷之五 傷寒

醫宗必讀 卷之五

小陷胸湯 治小結胸

黃連 一錢五分 半夏 三錢

栝蘆實 二錢

水二鍾煎一鍾服

抵當湯 治血結胸謔語小

水蛭 各十枚 黃蟲 各十枚

桃仁 十枚

大黃 八錢

水二鍾煎一鍾熱服

小半夏湯 治水結胸

半夏 四錢 白茯苓 二錢五分

水二鍾煎一鍾入薑汁熱服

半夏瀉心湯

半夏 一錢 黃連 五分 人參

甘草 黃芩 乾薑 各錢

水鍾半薑五片棗五枚煎入分溫服

半夏生薑湯 治欬逆水穀不下而嘔吐

半夏 五錢 生薑 一兩 水煎服

半夏桂枝湯 治非時暴寒伏于少陰脈

半夏 桂枝 甘草 各三錢

醫宗必讀

卷之五

垂

傷寒

醫宗必讀 卷之五

水鍾半生薑五片煎八分服

厚朴半夏甘草人參湯

厚朴 半夏各一錢 甘草

人參各五分

水鍾半薑五片煎八分服

甘草瀉心湯

半夏瀉心湯 加甘草

生薑瀉心湯 治下痢心下痞腹中雷鳴

甘草瀉心湯 減甘草一兩 加生薑一兩

赤茯苓湯

治厥陰消渴氣上冲吐下後身振搖肉惕

赤茯苓 陳皮 人參各一錢

白朮 川芎 半夏各六分

水鍾半煎八分溫服

茯苓甘草湯

茯苓三錢 桂枝各一錢 甘草一錢

水鍾半生薑五片煎八分服

茯苓桂枝白朮湯

茯苓三錢 桂枝一錢五分 甘草

醫宗必讀 卷之五 傷寒

白朮 各一錢

水二鍾煎一鍾溫服

四逆湯 治太陰陰自利不渴 陰證脈沉身痛

附子 三錢 甘草 乾薑 各一錢五分

水鍾半煎八分服

當歸四逆湯

當歸 桂枝 芍藥

細辛 各一錢 甘草 通草 各七分

水鍾半大棗三枚煎七分服

通脈四逆湯 厥逆下利脈不至

四逆湯 加甘草一倍

真武湯 治陰證脈沉身痛少 陰腹痛小便不利

附子 三錢 生薑 五錢 白朮 一錢

茯苓 芍藥 各二錢

水三鍾煎鍾半分一服

附子湯 治陰證脈沉身痛少 陰背惡寒口中和

附子 二錢 生用 人參 白朮

茯苓 芍藥 各一錢

水二鍾煎一鍾分二服

甘草附子湯 風濕小便不利大便反快

甘草 炙 附子 各一錢 白朮

桂枝 各一錢 五分

水二鍾煎一鍾溫服

甘草乾薑湯 少陰小便色白吐逆而渴動氣 下之反刺身雖有熱反欲踏臥

甘草 二錢 乾薑 一錢 水煎服

理中湯 治太陰自利不渴痰多而嘔腹痛霍亂

人參 白朮 乾薑 各一錢

甘草 八分

水二鍾煎一鍾服腹痛甚加附子寒而吐者 加生薑小便不利加茯苓腎氣動者去朮

附子防風湯

附子 防風 柴胡 各八分

白朮 一錢 五分 桂心 茯苓

乾薑 各五分 五味子 甘草 四分

生薑 五片

水鍾半煎八分服

醫宗必讀 卷之五

芍藥甘草附子湯 汗下後惡寒

芍藥 甘草 附子 各二錢

水二鍾煎八分服

霹靂散 陰盛陽身冷脉浮煩躁欲水

附子 炮一雙 用冷灰埋之取出細研入真臘

茶一錢同研分二服每服水一鍾煎六分入

蜜一匙冷服

白通湯 少陰下利

葱白 二莖 附子 三錢 乾薑 一錢五分

水鍾半煎七分服

正陽散 陰毒面青四肢厥冷

乾薑 五分 附子 一錢 甘草 五分

麝 一分 皂莢 一分

為細末水一鍾煎五分服

枳實理中丸 治寒實結胸

枳實 十六枚 乾薑 白朮

甘草 人參 茯苓 各一兩

為末蜜丸彈子大熱湯化下連進二三服

醫宗必讀 卷之五 五十六 傷寒

乾薑附子湯

下後復發汗晝夜不得眠無表證脈微

乾薑 二錢

附子 三錢

水煎服

乾薑黃芩黃連人參湯

寒氣內格食入即吐

乾薑

黃芩

黃連

人參 等分

水鍾半煎八分服

脾約丸 津少大便秘

大黃

枳實

厚朴

白芍藥

各五錢

麻子仁

一兩

杏仁 三錢

為末蜜丸桐子大每服三十丸溫水下  
金匱風引湯

大黃

乾薑

龍骨

各二兩

桂枝

甘草

牡蠣

各一兩

煅水石

滑石

赤石脂

白石脂

石膏

紫石英

各三兩

為粗末以麩盛之取三指一撮井水二鍾煎  
一鍾去渣服

百合地黄湯

治百合病

醫宗必讀 卷之五

百合 七枚 生地黄汁 一鍾

先以水洗百合漬一宿洗去白沫別以水二

鍾煎取一鍾入地黄汁一沸分二服

犀角地黄湯 後脈微發狂發黃失汗成

犀角 一錢 生地黄 四錢 牡丹皮

芍藥 各一錢

水鍾半煎八分入犀角服

大青四物湯 一名阿膠湯 治赤斑

大青 阿膠 甘草 各一錢

豉 三錢

水鍾半煎八分入阿膠候鎔溫服

黑膏 治溫毒發斑嘔逆使毒從皮中出

生地黄 二兩 好豉 一兩

猪膏十兩合露之煎令二分減絞去渣入

雄黃麝香如豆大攪和分三服忌蕪荑

紫雪 脚氣及暑中三陽所患必熱煩躁發斑

升麻 六錢 黃金 十兩 寒水石

石膏 各四兩 犀角 羚羊角 各一兩

傷寒

卷之五

玄參 一兩 六錢 沉香 木香

丁香 各五錢 甘草 八錢

水五鍾煮金至三鍾去金入諸藥再煎至一碗去渣投朴硝三兩二錢微火煎柳條勿停手攪候欲凝入盆中更下硃砂麝香各三錢急攪令勻候冷凝成雪每服一錢細細嚙之吳茱萸湯 嘔胸滿吐利手足厥冷煩躁欲死 吳茱萸 生薑 各三錢 人參 一錢 水鍾半棗一枚煎一鍾服

甘桔湯 少陰咽痛

桔梗 三錢 甘草 二錢

水鍾半煎八分服

枳桔湯 痞證胸滿不痛

桔梗 枳殼 各二錢 水煎熱服

防風白朮牡蠣散

防風 白朮 牡蠣 等分

為末每服二錢米飲調服汗出服小建中湯

五積散 治感冒脚氣食積心腹滿痛嘔吐背項拘急

醫宗必讀 卷之五 五九 傷寒

川芎

蒼朮

桔梗

橘皮

枳殼

白芷

官桂

人參

厚朴

芍藥

茯苓

當歸

乾薑

麻黃

半夏

甘草

灸五分

各八分

水二鍾薑三片葱白三莖煎八分服

十棗湯

痞硬脇痛乾嘔短氣汗出不惡寒

芫花

甘遂

大戟

各等分

水鍾半先煎大棗十枚取八分入藥末七分

平日溫服若病不除再服五分

桃花湯

少陰下利膿血并溫青下利

赤石脂

五兩三錢一分半煎

糯米

三合

乾薑

三錢

水二鍾煮米令熟去渣溫服一鍾入赤石脂

末方寸七日三服愈止服

冲和湯

即在味羌活湯治傷寒兩感

羌活

防風

蒼朮

各一錢

甘草

白芷

川芎

· 生地黄

黃芩

各一錢五分

細辛

七分

水二鍾薑三片棗一枚煎一鍾熱服取汗有

汗者去蒼朮加白朮渴加葛根石膏

柿蒂湯

柿蒂

下香

各一錢五分

水鍾半薑五片煎八分服

烏梅丸 治蛇厥

烏梅

七十箇

細辛

附子

人參

栝皮

桂枝

各一兩

乾薑

二兩五錢

黃連

四兩

蜀椒

當歸

各一兩

十味各搗末以苦酒漬烏梅一宿去核薰之  
五升米飯在下飯熟搗梅成泥和勻諸藥蜜  
丸桐子大米飲下十九漸加至二十丸忌生  
冷滑物

牛旁根湯

汗不流是汗出時蓋覆不密故腰背手足搖擻

牛旁根

麻黃

牛膝

醫宗心讀

卷之五

空

傷寒

天南星 各六錢

為未好酒一升同研以新布瀝取汁用炭火半秤燒一地坑通赤去火令淨投藥汁在坑內燒令黑色取出細研每酒調服五分日三服

地榆散 傷寒熱毒不解晚即壯熱腹痛便膿血

地榆 犀角 黃連

茜根 黃芩 梔子仁 各八分

水二鍾韭白五莖煎一鍾服

酸棗仁湯 汗下後晝夜不得眠

酸棗仁 炒 甘草 知母

麥門冬 各一錢 茯苓 川芎 各六分

乾薑 三分 水煎服

茅花湯 臭血不止

茅花 一握無芽花用根 水三鍾煎鍾半分二服

栝皮湯 熱毒入深吐血

栝皮 三錢 黃連 黃芩 各一錢五分

水二鍾煎一鍾去渣入阿膠候饒服

麥門冬湯

麥門冬

甘草

各二錢五分

粳米湯鍾半棗二枚竹葉十五片煎八分服

小續命湯

方見中風

黑錫丹

方見眩暈

大秦朮湯

方見中風

補中益氣湯

方見類中風

藿香正氣散

方見類中風

萎蕤湯

治風溫冬溫春月傷寒

萎蕤

石膏

各一錢

麻黃

白薇

羌活

杏仁

甘草

川芎

各六分

青木香

五分

乾葛

一錢

水煎服

牡蠣澤瀉湯

瘥後從股以下有水氣

牡蠣

澤瀉

蜀漆

商陸

葶藶

海藻

瓜蒌根

各等分

為末米飲調服

猪膚湯

少陰下利咽痛胸滿而煩

猪膚 五兩

水四鍾煎一鍾加白蜜十匙白粉二合熬香和令得所分二服

猪膽鷄子湯 傷寒五六日出斑

猪膽 二箇 鷄子 一枚 苦酒 十匙

和勻煎三沸服

鱉甲散 傷寒八九日不瘥諸藥不效各壞傷寒

鱉甲 升麻 前胡

烏梅 黃芩 犀角

枳實 各七分 生地黃 一錢 甘草 五分

水鍾半煎八分服

白頭翁湯 協熱而利渴而下利

白頭翁 黃柏 秦皮

黃連 各一錢 五分

水鍾半煎八分服

赤石脂禹餘糧湯 痞而下利不止當治下焦

赤石脂 禹餘糧 各三錢 水煎服

葶藶苦酒湯 發狂煩躁面赤咽痛大下傷血發熱脉澀

葶藶 五錢 苦酒 一碗半 艾汁 半碗

煎取七分作三服

治蠶桃仁湯 傷寒失汗變成狐惑唇口生瘡聲啞不出

桃仁 槐子 艾 各三錢

水二鍾棗十箇煎一鍾分一服

雄黃銳散 狐惑唇瘡聲啞

雄黃 桃仁 苦參

青箱子 黃連 等分

為末艾汁為丸如小指尖大綿裹內下部中

猴鼠糞湯 男女陰陽易

韭根 搗一大 猴鼠糞 十四枚兩頭尖者是

水鍾半煎七分去渣再煎一二沸溫服

安神丸 方見驚悸

瓜蒂散 寸脈大胸滿多痰有涎病頭痛

瓜蒂 炒 赤小豆 各等分

二味別搗篩為末合和以水二鍾煮香豉一

合作稀粥去渣取三分之一和散一錢頓服

乏如未吐少少又加

大羌活湯 治兩感元氣實感之輕者可活

防風 羌活 獨活

防已 黃芩 黃連

蒼朮 白朮 甘草 炙

細辛 各三錢 知母 川芎

生地黄 各一兩

每服五錢水二鍾煎一鍾熱飲之未愈連服

三四劑若有他證遵仲景法

辟邪丸 服此雖與病人同床合身被亦不能傳染也

雄黃 一兩 丹參 鬼箭羽

赤小豆 各二兩

右為末蜜丸桐子大空心溫水下五丸

86  
0939

醫  
卷之五

